



Inatsisartunut ilaasortaq
Jens-Frederik Nielsen, Demokraterne
/Maani

Nunalerineq pillugu § 37 naapertorlugu apeqquteqaammut nr. 181-2022-mut akissut

Allakkap ullua: 10-10-2022
Suliap normua: 2022 - 19756
Allagaatip ilisarnaataa:
21366749

Asasara Jens-Frederik Nielsen

Inatsisartut suleriaasianni § 37, imm. 1 naapertorlugu nunalerineq pillugu Naalakkersuisunut apeqquteqaateqarputit.
Apeqquteqaatitit uannit akissassanngorlugit innersuunneqarput.

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. Ukiumut katillugit qanoq annertutigisumik nunalerinermik inuussutissarsiortut toqqaannartumik tapiissutisarpas ikiorserneqarlutillu?

Akissut:

2022-mut aningaasanut inatsimmi katillugit 27.710.000 koruuninik aningaasaliissuteqartoqarpoq, kontonut pingaarnernut ukununga agguarneqartunik:

73.04.01 Nunalerinermik inuussutissarsiuteqartunut aningaasalersuinikkut tapersiisarneq	13.777.000 kr.
73.04.02 Ineriartortitsinermut aningaasatigut tapiissutit, nunalerineq	3.148.000 kr.
73.04.03 Taarsigassarsiaritit ernialersugaanngitsut akilersuutitaqanngitsullu	5.400.000 kr.
73.04.04 Taarsigassarsiat erniallit	8.160.000 kr.
73.04.07 Savaatillit nioqqutissanik pisiortornerminni taarsigassarsiaannut qularnaveeqqutinik akiliineq	1.300.000 kr.
Tapiissutit aningaasaliissutit katillugit	31.785.000 kr.
73.04.05 Taarsigassarsianut ernialinnut akilersuutit	3.000.000 kr.
73.04.06 Ernianit isertitat	1.075.000 kr.
Isersitat aningaasaliissutit katillugit	4.075.000 kr.

Kontonit 76.04.04-mit aamma 73.04.08-mit akilikkat pingaartumik taarsigassarsiatut ernialittut akilerneqartarput, taamaattumillu tapiissutit isigineqarsinnaanatik.

Kisiannili ukiumiit ukiumut aningaasat naatsorsuutininut eqqortumik allanneqartarneri allanngorartorujussuusarput, aningaasaliissutit tamakkerlutik atorneqartanngimmata, aammalu taarsigassarsiat erniallit aamma taarsigassarsiat erniaqaratillu akilersugassaannngitsut agguarneqarneri ukiumiit ukiumut allanngorartarmata.

2022-mi nunalerinermut ikiorsiissutit aqcutigalugit kontomut 73.04.01
Nunalerinermik inuussutissarsiateqartunut aningaasalersuinikkut tapersiisarneq
aningaasaliissutit 5 mio. koruuninik immikkut ittumik ilaneqarput.

2. Tamakiisumik nunalerinermik inuussutissarsiortut toqqaannanngikkalumik katillugit tapiissutisisimappat ikiorserneqarsimallutillu? (Soorlu uani eqqarsaatigaara Neqi A/S allallu pisortanit tapiissuteqarfigineqarsimasut)

Akissut:

Neqi A/S-imut kiffartuussinissamut isumaqatigiissummi 2020-meersumi ukiumut 5 mio. koruunit sinaakkusiunneqarput. 2022-mi kiffartuussinissamut isumaqatigiissummut tapiliussisoqarpoq, tassanilu Neqi A/S-imut ukiumut tapiissutit 13 mio. koruuninut amerlineqarput. Neqi A/S-imut tapiissutit amerlineqarnissaat aningaasaqarnikkut nikingassutaasut aamma KNI-p immikkoortortaqarfiisa akornanni aningaasanik utertitsinerit pequtaallutik pisariaqarsimavoq.

3. Nunatsinni savap ataatsip tunisassiarinera qanoq akeqarpa aningaasartuutit tamaasa, tapiissutit ikiorsiissutillu ilanngukkaanni?
a. Nunatsinni taanna sava pisiniarfinni qanoq akeqartinneqarpa?
b. Avammut tuniniarnerani qanoq akeqartinneqarpa?

Akissut:

2014-imi tunisassiarineqartumut akigititaq savaaqqamut ataatsimut 569 koruuniuvoq. (2016-imi nunalerineq pillugu ESU-mit siunnersuut).

- a. Naalakkersuisuniit pisiniarfinni savaaqqat akii aalajangersarneqarneq ajorput.
- b. Kalaallit Nunaanniit savaaqqanik avammut annissisoqarneq ajorpoq.

4. Nunatsinni naatsiiyanik/kartoffelinik kiilumut tunisassiorneq qanoq akeqarpa, aningaasartuutit tamaasa, tapiissutit ikiorsiissutillu ilanngukkaanni?

- a. Nunatsinni naatsiiyanik/kartoffilit kiilu pisiniarfinni qanoq akeqartinneqarpa?
- b. Avammut tuniniarneranni qanoq akeqartinneqarpa?

Akissut:

Naalakkersuisuniit nunalerisut tunisassiornermut naatsorsuutaat tamakkiisut ilisimaneqanngillat, taamaattumillu aamma naatsiiyanik tunisassiarineqartut kiilumut akii ilisimaneqaratik.

- a. Naalakkersuisuniit pisiniarfinni naatsiiyanik akii aalajangersarneqarneq ajorput.
- b. Kalaallit Nunaanniit naatsiiyanik avammut annissisoqarneq ajorpoq.

5. Nunalerinermik inuussutissarsiorneq ukiumut katillugit avammut tuniniaanermut qanoq annertutigisumik isertitsissutaasarpa? (Akissummi skemanngorlugu ukiuni qulini kingullerni qanoq isikkoqarnera perusunneqarpoq aammalu ajornanngippat nioqqutissianut immikkoortiterlugu)

Akissut:

Nunalerisut tunisassiaannik annertunerusumik avammut annissisoqarneq ajorpoq, kisiannili nersutiniq toqoraanermi tunisassiat sinnikuinik annikinnerusunik, aammalu sanatigut tunisassianik annissisoqartarpoq.

6. Nalakkersuisut eqqartorneqartumut allanik soqutiginaatilinnik paasissutissiisinnaava?

Akissut:

Naalakkersuisut allanik ilassutissaqanngillat.

Inussiarnersumik inuulluaqqusillunga


Kalistat Lund